

## फलिप्पी के नाम पौलुस प्रेरति की चट्ठी फलिप्पगोळ हेसुर पौलुस प्रेरति उन चट्ठी परचिय

पौलुस फलिप्पी दा वशिवासीगोळ इक यीशु उन जनम इन लगभग ६१ वर्ष इन बाददा चट्ठी लखिसदुन. आव बंदीगूह दा १:१३ ईरतेला लखिसदुन, शायद रोम दा. ईद चट्ठी फलिप्पी नगर दा स्थति मंडली इक लखिसकु आगीत. नाव फलिप्पी इन बारा दा अधनियिमगोळ्द कतिाब देल थ्वाळासा कलु सकतेव. फलिप्पी मकदिनया प्रांत इन ऊंद राजधानी ईरोद. ईद पयला मंडली ईरोद यदरी मकदिनया दा स्थापति माळकु आगीत. पौलुस अदकि सलास ऊंद सांगुळ मंडली इन सुरूवात माळदुर अदकि ईल ताका कि ऊंद ईळलक इन साटी बंदीगूह दा हाक्कु आत, याग आंदुर अल ईरोर प्रेरतिगोळ १६ ईद चट्ठी इक लखिसोर दा पौलुस उन कई उद्देश ईर सकताव. आंदुर ईद मवका अन उपयोग मंडली इक आंदुर द्वारा कळुकु आग्याव उपहार इन साटी धन्यवाद कोळोर साटी माळदुर याग आंदुर केळदुर कि आव बंदीगूह दा आन ४:१०-१९ आंदुर बंदीगूह दा आंदुरद स्थति मा आंदरी अध्ययन भी माळदुर अदकि मंडली इक तीमुथयिस अदकि एपाफ्रदितिस उन सफारीश माळदुर २:१९-३० ताकी आंदुर आंदुरद स्वागत माळुल अदकि आंदुरद नेतृत्व अन्द सम्मान माळुले.

रूप रेखा

१. फलिप्प फलिप्पी दा मंडली इक नमस्कार माळकु चट्ठी सुरू माळतान. १:१-२
२. मुंद आव तान स्थति इन बारा दा थ्वाळासा जानकारी

साझा माळतान अदकि थ्वाळासा चतिगोळ जो आऊन हात्ती आव १:३-२:३०

३. बाक आव ईसाई जीवन जीऊसोर साटी हापाळ व्यावहारकि नरिदेश कोळतान ३:१-४:१
४. पौलुस फलिपिपीया अन्द मंडली इक आंदुरद उपहार इन साटी धन्यवाद कोटकु अदकि आंदुरद अभिवादन कळुकु चटिटी खतम माळतान ४:१०-२३

1 \*मसीह यीशु उन दास पौलुस अदकि तीमुथयिस उन दी टु, सप्पा पवतिर लॉकुर हेसुर जो यीशु मसीह दा आगकु फलिपिपी दा, अध्यक्षगोळ अदकि सेवकगोळ सांगुळ ईरतार.

2 नामव आपप परमेश्वर अदकि प्रभु यीशु मसीह अन दी टु नीमी अनुग्रह अदकि शांती सकितेला ईरूल.

पौलुस उन प्रार्थना अदकि धन्यवाद

3 ना याग याग नीमी याद माळतीन, आग आग तान परमेश्वर उन धन्यवाद माळतीन; 4 अदकि याग यागलु नीम सप्पा अन साटी वनिती माळतीन, रा हमेशा खुशी इन सांगुळ वनिती माळतीन. 5 इदुरसाटी क्नि नीव पयला दनि टु हुडुकु ईद ताका खुशखबरी बगरूसदुर दा नान सहभागी ईतीर. 6 नानी ई मात इन भरोसा आद क्नि याव नीम दा वळ्लीद क्वालसा सुरू माळ्यान, आवा अदरी यीशु मसीह अन्द दनि ताका पुरा माळ्यान. 7 उचति आद क्नि ना नीम सप्पा मुंदुर साटी हगि अच वचिार माळाईन, यतकी नीव नान मन दा बंदकु बसुसेगीर, अदकि ना शंकलीगोळ देल कैद दा अदकि खुशखबरी इन साटी उत्तर अदकि प्रमाण कोळदुर दा नीव सप्पा मुंदुर नान सांगुळ अनुग्रह दा सहभागी आगी. 8 इदुर दा परमेश्वर नान गवाह आन क्नि ना मसीह यीशु उन घाई प्यार माळकु नीम सप्पा मुंदुरद लालसा माळतीन. 9 ना

तरी भी ईद प्रार्थना माळतीन की नीम प्यार ग्यान अदकि हर प्रकार इन वविक सांगुळ अदकि यक्कुल वाळुस्त होगुल, <sup>10</sup> ईल ताका की नीव वळ्ळीद से वळ्ळीद मातगोळद जाच माळी, अदकि मसीह अन्द दनि ताका खरा बन्सकु ईरी, अदकि ठोकर तनिबाळी; <sup>11</sup> अदकि आ न्यायीपन इन काय देल जो यीशु मसीह अन्द द्वारा आगताव, यक्कुल आगत होगी यदुर देल परमेश्वर उन महिमा अदकि स्तुति आगत ईरूल.

**पौलुस उन कैद टु खुशखबरी इन उन्नती**

<sup>12</sup> हे वारटुरा, ना चाहासतीन की नीव ईद जान्स कोमी की नान मा जो घळुसयाद, अदुर देल खुशखबरी वाळुसतेला होग्याद. <sup>13</sup> ईल ताका की कैसर उन राजभवन इन सप्पा पलटन अदकि मगिद सप्पा लॉकुर मा ईद प्रगट आगोग्याद की ना मसीह अन्द साटी शंकलीगोळ देल कैद दा आईन; <sup>14</sup> अदकि प्रभु दा जो वारटुर आर, आंदुर दा टु यक्कुल मुंदुर नान शंकलीगोळ देल कैद आगदुर कारण, भरोसा माळकु परमेश्वर उन वचन बेधळक केळसोद मात्त यक्कुल हमिमत माळतार.

<sup>15</sup> थ्वाळासा रा जलन अदकि झगळा अन्द कारण मसीह अन्द प्रचार माळतार अदकि थ्वाळासा भला इच्छा देल. <sup>16</sup> हापाळ पुरा रा ईद जान्सकु की ना खुशखबरी इन साटी उत्तर कोळली ठहूरसकु आगीन, प्यार देल प्रचार माळतार. <sup>17</sup> अदकि हापाळ मुंदुर रा सरका ईला लेकीन मतलब देल मसीह अन्द कात्ता केळसतार, ईद वचिार माळकु की ना शंकलीगोळ देल कैद दा आईन नान साटी क्लेश पैदा माळुल. <sup>18</sup> रा येन आत? सरिफ ईद की हर प्रकार देल, या बहाना देल या सच्चाई देल, मसीह अन्द कात्ता केळसकु आगतद, अदकि ना ईदुर देल खुश आईन अदकि खुश भी ईराइन. <sup>19</sup> यतकी ना जान्सतीन की नीम वनिती इन द्वारा, अदकि यीशु मसीह अन्द आत्मा

अनूद दान इन द्वारा, इदुर्द प्रतफिल नान उद्धार आदीत. 20 ना रा ईदा हापाळ लालसा अदकि आशा ईटतीन कि ना यातोदु मात दा लज्जति आगतीदील, लेकीन ह्यांग नान प्रबल हम्मित इन कारण मसीह अनूद बळाई नान मय इन द्वारा हमेशा आगूत ईताद, हांग अच ईंग भी आगुल, चाहे ना जत्तिता ईराइन या सोतोगाईन. 21 यतकी नान साटी जत्तिता ईरोद मसीह हुन, अदकि सोतोगोद फायदा हुन. 22 लेकीन अगर मय दा जत्तिता ईरोद अच नान क्याल्सा साटी फायदा मंद आद रा ना जान्सालीन कियदुर्द चुनाव माळाईन. 23 यतकी ना येदुदु चीज इन न्याड्या अधर दा हलिगुसकु आईन; जीव रा चाहासतद कि होगकु मसीह अनूद हात्ती ईराइन, यतकी ईद रा हापाळ वळलीद आद, 24 लेकीन मय दा ईरोद नीम कारण मातत यक्कुल जरूरी आद. 25 इदुरसाटी कि नानी इदुर्द भरोसा आद इदुरसाटी ना जान्सतीन कि ना जत्तिता ईराइन, उलटा नीम सप्पा मुंदुर सांगुळ ईराइन यदुर देल नीव वशिवास दा मजबूत आगूत होगी अदकि अदुर दा खुश ईरी; 26 अदकि जो घमण्ड नीव नान बारा दा माळतीर, अद नांद मातत नीम हात्ती बंदुर देल मसीह यीशु दा यक्कुल वाळुसेगुल.

27 सरिफ ईट माळी कि नीम चाल-चलन मसीह अनूद खुशखबरी इन लायक ईरूल कि चाहे रा ना बंदकु नीमी नोळाईन, चाहे रा बर भी तदिलि, नीम बारा दा नानी ईदा केळ सकिल कि नीव ऊंद अच अंतरात्मा दा जत्तिता आईर, अदकि ऊंद मन आगकु खुशखबरी इन वशिवास इन साटी मयनत माळूत ईरतीर. 28 अदकि यातोदारा मात दा वरिध माळावाळेर से अंजुक तुमालीर. ईद आंदुर साटी वनिश इन स्पष्ट चमत्कार हुन, लेकीन नीम साटी उद्धार इन अदकि ईद परमेश्वर उन दी टु आद. 29 यतकी मसीह अनूद कारण नीम मा ईद अनुग्रह आत किना सरिफ आऊन साटी भरोसा कोळी लेकीन आऊन साटी दुख

भी नेगी; 30 ✨अदकि नीमी हांग अच मयनत माळोद आद, ह्यांग नीव नानी माळतेला नोळीर, अदकि ईग भी केळतीर कनि हांग अच माळतीन.

## 2

मसीह अन्द दीनता अदकि महानता

1 इदुरसाटी अगर मसीह दा थ्वाळासा शांती, अदकि प्यार देल हमिमत, अदकि आत्मा अन्द प्रोत्साहन, अदकि थ्वाळासा करूणा अदकि संगती आद, 2 रा नान ईद खुशी पुरा माळी कि ऊंद मन आगकु ईरी, अदकि ऊंद अच प्यार, ऊंद अच चत्तित, अदकि ऊंद अच मनसा ईटी. 3 मतलब देल या ख्वाटा बळाई साटी येनु माळबाळी, लेकीन दीनता देल आबुर दाबुर इक तान से वळ्लेर समसी. 4 हर ऊंद तान हति इन ईला, उलटा दुसरा अन्द हति इन भी चन्तिता माळुल. 5 ह्यांग मसीह यीशु उन वचिार ईरव हांग अच नीम भी वचिार ईरूल;

6 याव परमेश्वर उन स्वरूप दा ईतकु भी

परमेश्वर उन तुल्य आगली तान वश दा ईटोद वस्तु समसीदील.

7 उलटा तान तान इक हगि शुन्य माळ बुट्टुन,

अदकि दास उन रूप धारण माळदुन,

अदकि मंळसा अन्द समानता दा आगोदुन.

8 अदकि मंळसा अन्द रूप दा प्रगट आगकु तान तान इक दीन माळदुन,

अदकि ईल ताका आग्याकारी ईत्तुन कि मृत्यु, हव, क्रूस इन मृत्यु भी सहन माळदुन.

9 ई कारण परमेश्वर आऊक हापाळ महान भी माळदुन,

अदकि आऊक अद हेसुर कोट्टुन जो सप्पा हेसुरगोळ से श्रेष्ट आद,

10 कां जो स्वर्ग दा अदकि पृथ्वी मा अदकि पृथ्वी इन ल्यालमा आद,

अव सप्पा यीशु उन हेसुर मा ट्वांगरा टेकसुल;

11 अदकि परमेश्वर आप्प उन महमा साटी हर ऊंद ल्यालग्या अंगीकार माळ कोमुल

कां यीशु मसीह अच प्रभु हुन.

दुनया दा ज्योती इन घाई चमकुसी

12 इदुरसाटी हे नान प्रयिगोळा, ह्यांग नीव हमेशा टु आग्या मानसतेला बंदीर, हांग अच ईग भी ना सरिफ नान सांगुळ ईरा होती लेकीन जरूर माळकु ईग नान दुर ईत्तुर मा भी अंजक अदकि नळगतेला तान तान उद्धार इन क्याल्सा पुरा माळ्त्त होगी;

13 यतकी परमेश्वर अच हुन याव तान खुद इन इच्छा अनंद कारण नीम मन दा इच्छा अदकि क्याल्सा, येढ्ढु मातगोळ्द माळोद प्रभाव हाक्यान.

14 सप्पा क्याल्सा बनि बळबळ अदकि बनि बाय कय मुरसद माळतोगी, 15 कां नीव नरिदोष अदकि भोला आगकु वाकळा अदकि जिदिदी लाँकुर न्याड्या परमेश्वर उन नषिकलंक औलाद बनसकु ईरी, यार न्याड्या दा नीव जीवन इन वचन हुडुकु दुनया दा होतकु दगियागोळ घाई काळ्स्तीर, 16 कमसीह अनंद दशी नान हात्ती कारण ईरूल काना नान जत्तिता इरोद अदकि ना नांद घमण्ड माळोद बेकार आत. 17 अगर नानी नीम वशिवास रूपी बलदान अदकि स्यावा अनंद सांगुळ तान रक्ता भी वाहुसोद बळिल, तरी भी ना खुश आईन अदकि नीम सप्पा मुंदुर सांगुळ खुशी माळतीन. 18 हांग अच नीव भी खुश ईरी अदकि नान सांगुळ खुशी माळी.

तीमुथयिस अदकि इपफुरुदीतुस

19 नानी प्रभु यीशु दा आशा आद कां ना तीमुथयिस उक नीम हात्ती तुरन्त कळाईन, ताकी नीम दशा केळकु नानी खुशी

सकिल. 20 यतकी नान हात्ती हगि स्वभाव इनव याऊ हैलेच जो शुद्ध मन देल नीम चन्ता माळुल. 21 यतकी सप्पा मुंदुर तान स्वार्थ इन खोज दा ईरतार, ना क्कि यीशु मसीह अनंद. 22 लेकीन आऊक रा नीव परकुसदीर अदकि जान्स भी कौडीर क्कि ह्यांग पार आप्प उन सांगुळ माळतान, हांग अच आव खुशखबरी इक फैलुसदुर दा नान सांगुळ स्यावा माळदुन. 23 इदुरसाटी नानी आशा आद क्कि ह्यांग नानी समझ दा बंदीत क्कि नान येन दशा आदीन, हांग अच ना आऊक तुरन्त कळु बुळाईन. 24 अदकि नानी प्रभु दा भरोसा आद क्कि ना खुद भी राटनेरी बराईन.

25 लेकीन ना इपफुरदीतुस उक जो नान वार्ट अदकि सहकर्मी अदकि संगी योद्धा अदकि नीम स्वर्गादूत, अदकि जहूरी मातगोळ दा नान स्यावा टहल माळावाळा हुन, नीम हात्ती कळोद जहूरी समसदीन. 26 यतकी आऊन लालसा नीम सप्पा मुंदुर दा हतकु ईरोद, ई कारण आव व्याकुल ईरतोगोन यतकी नीव आऊन बमिारी इन बारा दा केळीदीर. 27 नश्चय आव बमिर रा आगेगदिन ईल ताका क्कि सायोर मा ईरोन, लेकीन परमेश्वर आऊन मा दया माळदुन, अदकि सर्फ आऊन मा अच ईला लेकीन नान मा भी क्कि नानी शोक मा शोक सकिवाळुल. 28 इदुरसाटी ना आऊक कळोद मात्त यक्कुल कोशशि माळदीन क्कि नीव आऊक मात्त नोळकु खुश आगेगी अदकि नान भी दुख गोरत आगेगुल. 29 इदुरसाटी नीव प्रभु दा आऊन से हापाळ खुशी इन सांगुळ मुलाकात माळेतीर, अदकि ईत्तोरद आदर माळतोगेतीर. 30 यतकी आव मसीह अनंद क्याल्सा साटी तान जीव इक जोखमि दा हाक्कु मृत्यु उन हात्ती होट बंदीदुन ताकी जो कमी नीम दी टु नान स्यावा दा आत अदरी पुरा माळुल.

### 3

सही न्यायीपन

1 इदुरसाटी हे नान वारटुरा, प्रभु दा खुश ईरी. अव अच मातगोळ नीमी घळी घळी लखिसली नानी रा येनु तकलीफ आगाल, अदकि ईदुर दा नीम कुशलता आद, 2 नायगोळ से सावधान ईरी, आ बेकार कयाल्सा माळावाळेर से सावधान ईरी, आ काट कूट माळावाळेर से सावधान ईरी. 3 यतकी खतनावाळेर रा नाव अच हुयेव जो परमेश्वर उन आत्मा अन्द अगुवाई देल उपासना माळतेव, अदकि मसीह यीशु मा घमण्ड माळतेव, अदकि मय मा भरोसा ईटालेव. 4 लेकीन ना रा मय मा भी भरोसा ईट सकतीन. अगर यारारा दुसरा अक मय मा भरोसा ईटोद वचिार आगुल, रा ना आऊन से यक्कुल ईट सकतीन. 5 ✨आठवा दशिी नान खतना आत, इस्त्राएल इन वंश अदकि बनियामीन इन गोत्र नव हुईन; इब्रानगोळव इब्रानी हुईन; व्यवस्था अन्द बारा दा अगर अंदीर रा फरीसी हुईन. 6 ✨उत्साह अन्द बारा दा अगर अंदीर रा मंडली इन सतुसावाळा; अदकि व्यवस्था अन्द न्यायीपन इन बारा दा अगर अंदीर रा नरिदोष ईरीन. 7 लेकीन जो जो मातगोळ नान फायदा नव ईरव, अवरीका ना मसीह अन्द कारण नुकसान सम्स कोंडीन. 8 उलटा ना तान प्रभु यीशु मसीह अन्द पयचान इन उत्तमता अन्द कारण सप्पा मातगोळी नुकसान सम्सतीन. यदुर कारण ना सप्पा वस्तुगोळद नुकसान नेगदीन, अदकि अवरी काळी कचरा सम्सतीन, यदुर से ना मसीह अक हासलि माळाईन 9 अदकि अदुर दा ना सक्कि आगुल; ना क्क तान अद न्यायीपन इन सांगुळ, जो व्यवस्था देल आद, उलटा आ न्यायीपन इन सांगुळ जो मसीह मा वशिवास माळदुर कारण आद अदकि परमेश्वर दी टु वशिवास माळदुर मा सकितद; 10 ताकी ना अदरी अदकि अदुरद मृत्युंजय इन सामर्थ्य अक, अदकि अदुर सांगुळ दुखगोळ दा सहभागी आगोद मर्म इक जान्साईन, अदकि आऊन मृत्यु उन

✨ 3:5 ३:५ रोमयिों ११:१; प्रेरतिगोळ २३:६; २६:५ ✨ 3:6 ३:६ प्रेरतिगोळ ५:३; २२:४; २६:९-११



समानता अक हासलि माळाईन. 11 कनि यातोदारा भी रीर्ता देल सोत्तुर दा टु जर्त्ता आगोद पद ताका पोहचुसाईन.

### नशाना दी ओळोद

12 ईद मतलब हैलेच कनि ना ईग हासलि माळ कोंडीन, या सदिध आगेगनि; लेकीन आ पदार्थ अक हुडोर साटी ओळ्त होगतीन, यदुर साटी मसीह यीशु नानी हुळददिन. 13 हे वार्टुरा, नान ईद भावना हैलेच कनि ना हासलि माळ कोंडीन; लेकीन सर्फ ऊंद क्यालसा माळतीन कनि जो मातगोळ हदि ईतोर्ग्याव अवरी मारूकु, मुंदळव मातगोळ दी वाळुसतेला, 14 नशाना दी ओळ्त होगतीन, ताकी अद ईनाम हासलि माळाईन यदुर साटी परमेश्वर नानी मसीह यीशु दा म्याकुच कारदान. 15 नाम दा टु यास सदिध आर, ईदा वचिर ईटुल, अदकि अगर यातोदारा मात दा नीम दुसरा अच वचिर ईरूल रा परमेश्वर अदरी भी नीम मा प्रगट माळ बुट्टान. 16 इदुरसाटी यल ताका नाव पोहचुसेव, अदुरदा अनुसार नळदेव. 17 हे वार्टुरा, नीव सप्पा मुंदुर मलिसकु नान घाई व्यवहार माळी, अदकि आंदरी पयचान दा ईटी जो ई रीर्ता मा नळुतार यदुर उदाहरण नीव नाम दा नोळतीर; 18 यतकी हापाळ सा हगि व्यवहार माळतार, यार्द चर्चा ना नीम से घळी घळी माळीन, अदकि ईग भी वरूल वरूलकु अनतीन कनि आंदुर तान चाल-चलन देल मसीह अन्द कूरस देल दुश्मनी माळावाळेर उर. 19 आंदुर अन्त वनिश आद, आंदुर मय व्हाट्टा हुन, आंदुर तान शरम इन मातगोळ मा वचिर माळतार अदकि पृथ्वी इन वस्तुगोळ मा महमा हचकु ईरतार. 20 लेकीन नाम स्वदेश स्वर्ग मा आद; अदकि नाव ऊंद उद्धारकर्ता प्रभु यीशु मसीह अन्द अल टु बरोद हादी कायेतेव. 21 आव तान शर्कर्ता इन आ प्रभाव इन अनुसार यदुर द्वारा आव सप्पा वस्तुगोळी तान

वश दा माळ सकतान, नाम दीन-हीन मय इन रूप बदलुसकु, तान महामि अन्द मय इन अनुकूल माळ बुट्टान.

## 4

### नरिदेश

1 इदुरसाटी हे नान प्रयि वारटुरा, यदुर दा नान जीव हतकु ईरतद, जो नान खुशी अदकि मुकुट हुईर, हे प्रयि वारटुरा, प्रभु दा हगिा हादी कायतेला स्थरि ईरी.

2 ना यूओदयिा अक भी वनिती माळतीन अदकि सुन्तुखे अक भी, की आंदुर प्रभु दा ऊंद वचार आगकु ईरूल. 3 हे खरा सहकर्मी, ना नीन से भी वनिती माळतीन की नी आ आरतेर मदत माळ, यतकी आंदुर नान सांगुळ खुशखबरी प्रचार माळदुर दा, क्लेमेस अदकि नान दुसरा सहकर्मीगोळ सांगुळ मयनत माळदुर, यार्द हेसुर जीवन इन कतिाब दा लखिसकु आव. 4 प्रभु दा हमेशा खुश ईरी; ना मात्त अनतीन, खुश ईरी. 5 नीम कोमलता सप्पा मंळसागोळ मा प्रगट आगुल. प्रभु हात्ती आन. 6 यातोदु मात इन चन्तिा माळबाळी; लेकीन हर ऊंद मात दा नीम नविदन, प्रार्थना अदकि वनिती इन द्वारा धन्यवाद इन सांगुळ परमेश्वर उन मुंद उपस्थति माळकु आगुल. 7 आग परमेश्वर उन शांती, जो सप्पा मुंदुर समझ इन व्हार्या आद, नीम मन अदकि नीम वचारगोळी मसीह यीशु दा सुरक्षति ईटटीत. 8 इदुरसाटी हे वारटुरा, जो जो मातगोळ सच्चाई आव, अदकि जो जो मातगोळ आदरणीय आव, अदकि जो जो मातगोळ उचति आव, अदकि जो जो मातगोळ पवतिर आव, अदकि जो जो मातगोळ सुहावनी आव, अदकि जो जो मातगोळ मनभावनी आव, मतलब जो भी सदगुण अदकि प्रशंसा अन्द मातगोळ आव अऊर मा ध्यान हचतोगी. 9 जो मातगोळ नीव नान हात्ती टु कलतीर, अदकि ग्रहण माळदीर, अदकि केळदीर, अदकि नांदुरदा

नोळदीर, अऊरदा पालन माळतोगी, आग परमेश्वर जो शांती नव सोता आन नीम सांगुळ ईत्तान.

### दान इन साटी धन्यवाद

10 ना प्रभु दा हापाळ खुश आईन कर्ईग ईस दनिगोळ बाददा नीम चन्तिता नान बारा दा मात्त जागृत आग्याद; नश्चय नीमी सुरूवात दा भी इदुरद वचार ईरोद, लेकीन नीमी मवका सकिदील. 11 ईद ईला कनिा तान कमी इन कारण ईद अनतीन यतकी ना ईद कलतीन कर् याता दशा दा आईन; अदा दशा दा संतुष्ट ईराइन. 12 ना दीन आगोद भी जान्सतीन अदकि वाळुसोद भी जान्सतीन; हर ऊंद मात अदकि सप्पा दशागोळ दा ना संतुष्ट आगोद, उपास ईरोद, अदकि वाळुसोद-घटुसोद कलतीन. 13 जो नानी सामर्थ्य कोळतद अदुर दा ना सप्पा येनारा माळ सकतीन.

14 तरी भी नीव वळलीद माळदीर कर् नान क्लेश दा नान सहभागी आदीर. 15 हे फलिपिपिगोळा, नीव खुद भी जान्सतीर कर् खुशखबरी प्रचार इन सुरूवात दा, याग ना मकदिनया टु वदिा आदीन, आग नीमी बटिकु मात्त यातोदु मंडली लेन देन इन बारा दा नान सहायता माळीदलि. 16 ✨ईदा प्रकार याग ना थसिसलुनीके दा ईरीन, आग भी नीव नान कमी पुरा माळोर साटी ऊंद घन येन उलटा येदढ घन येनारा कळीदरि. 17 ईद ईला कर् ना दान बेळोद चाहासतीन लेकीन ना हर्गि काय चाहासतीन जो नीम फायदा साटी वाळुसत होगुल. 18 नान हात्ती सप्पा येनारा आद, उलटा हापाळ पुरा भी आद; जो वस्तुगोळ नीव इपफुरुदीतुस उन कय देल कळीदरि अवरी प्राप्त माळकु ना संतुष्ट आगेगनि, अद रा सुखदायक सुगन्ध, ग्रहण माळा लायक बलदान आद, जो परमेश्वर उक वळलीद हततद. 19 नान परमेश्वर भी तान आ धन इन अनुसार जो महिमा सांगुळ मसीह यीशु दा आद, नीम हर

✨ 4:16 ४:१६ प्रेरतिगोळ १७:१

✨ 4:16 ४:१६ २ कुरन्थि ११:९

ऊंद कमी इक पुरा माळीत. 20 नाम परमेश्वर अदकि आप्प उन महमिा हमेशा हमेशा आगतेला ईरूल. आमीन.

### आखरी नमस्कार

21 हर ऊंद पवतिर जन उक, जो यीशु मसीह दा आन नमस्कार अनी. जो वार्ट नान सांगुळ आन, नीमी नमस्कार अनतार.  
22 सप्पा पवतिर लॉकुर, वशिष माळकु जो कैसर उन घराना नोर उर, नीमी नमस्कार अनतार.

23 नाम प्रभु यीशु मसीह अन्द अनुग्रह नीम आत्मा अन्द सांगुळ ईरूल.

परमेश्वर उन खरा वचन  
**The Holy Bible in the Holiya language of India:** परमेश्वर  
उन खरा वचन

copyright © 2020 The Word for the World International

Language: Gohllaru (Holiya)

Contributor: The Word for the World International

परमेश्वर उन खरा वचन  
व्हाशोद नयिम, 2020

The New Testament in Holiya Language

The Word for the World International

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-08

---

PDF generated using Haiola and XeLaTeX on 21 Feb 2024 from source files dated 9 Apr 2023

3943f9d0-5b35-54ad-8e8f-1b7bf74924c6